

Txoj Kev Ua Kom Muaj Kev Ncaj Ncees Hais Txog Cov Av Ua Liaj Ua Teb Nyob Hauv California

Cov Tswv Yim Uas Cov Txwj Laus Khiav Hauj Lwm Los Ua Kom Muaj Kev Ncaj Ncees Hais Txog California Cov Av Ua Liaj Ua Teb Pom Zoo Kom Ua

Cov tswv yim uas pom zoo kom cov nroog los mus ua

Cov Ntsiab Lus Qhia Dav Dav

California muaj ib qhov teeb meem tsis ncaj ncees loj hais txog cov av ua liaj ua teb uas yuav tsum tau muab daws kom tag sai sai. Tau ntau caug xyoo lawm, coob tus neeg ua liaj ua teb thiab cov neeg saib xyuas Neeg Qhab cov av yeej tau raug txwv tsis pub ua tswv thiab tuav cov av ua liaj ua teb vim lawv yog ib haiv neeg tawv nqaj txawv, lawv yog ib pab pawg neeg txawv, lawv yog poj niam los sis txiv neej, lawv yog neeg nplua nuj los sis neeg pluag, thiab vim lawv txoj kev khiav tuaj nyob hauv lub teb chaws, nrog rau lwm yam.¹ Niaj hnuv no, txoj kev uas tsis muaj kev ncaj ncees hais txog kev ua tswv thiab kev muaj kev mus siv tau cov av ua liaj ua teb yeej phem dua yav tag los lawm vim muab cov av muag rau tsawg tus neeg tuav thiab muab muag ua lag luam, vim huab cua pauv, thiab vim cov lus tswj hwm uas muaj ntau yam nyuaj cov neeg ua liaj ua teb.²

Cov Txwj Laus Khiav Hauj Lwm Los Ua Kom Muaj Kev Ncaj Ncees Hais Txog Cov Av Ua Liaj Ua Teb Nyob Hauv California yeej yog ib cov txwj laus tsa los khiav hauj lwm tsis muaj leej twg yuav los cuam tshuam nyob rau hauv California Budget Act of 2022 (**AB 179**) los mus muab ib cov tswv yim uas lawv pom zoo kom muab tso rau hauv cov lus tswj hwm xa mus rau tus Tswv Xeev thiab Cov Txwj Laus Sau Kev Cai Lij Choj hais txog txoj kev yuav los ua kom muaj av ntau ntxiv coj luas ua qoob loo thiab coj los rau Neeg Qhab ua liaj ua teb. Qhov Dej Num Tsim kom muaj ib cov tswv yim pom zoo kom ua los ntawm ib txoj kev nrog pej xeem koom tes uas twb muaj coob tshaj li 400 tus neeg ua liaj ua teb, cov coj ntawm cov Neeg Qhab Ib Txwm Txawm Nyob Hauv California thiab cov tswv cuab, thiab lwm cov neeg nyob thoob plaws California. Tsab ntawv nthuav qhia kawg twb yog tsab uas muab xa mus rau thaum Lub Kaum Ob Hlis 2025.

Peb yeej muab cov tswv yim uas pom zoo kom ua faib ua rau (6) ntu ntawv



Kev muab kev saib Neeg Qhab cov av thiab kev muab av rov qab rau Neeg Qhab coj los ua ib qhov tseem ceeb.



Kev muab nyiaj pab thiab muaj nyiaj txhawb zog rau txoj kev yuav av rau cov neeg ua liaj ua teb tseem ceeb thiab cov neeg uas saib xyuas Neeg Qhab cov av.



Txiav, kho, thiab muab txoj kev uas pub ib tus neeg los sis lag luam mus yuav av ua liaj ua teb ntau thim rov qab.



Txuag California cov av ua liaj ua teb thiab muab txoj kev ncaj ncees hais txog kev siv thiab kev saib xyuas av coj los ua qhov tseem ceeb.



Tiv thaiv thiab muab txoj kev yuav tau av ntev coj los ua qhov tseem ceeb.



Txhawb txoj kev ua liaj ua teb hauv cov nroog loj.

Kev ncaj ncees hais txog cov av ua liaj ua teb yog thaum cov neeg ua liaj ua teb tseem ceeb thiab cov neeg saib xyuas Neeg Qhab cov av muaj kev mus yuav tau av, muaj cov av uas nqi pheed yig thiab yog av zoo rau lawv tuav thiab cog khoom noj, cov khoom muaj fiber, tshuaj, thiab ua raws li tej kab lis kev cai uas yuav tsis muaj kev txiav, muaj txoj kev uas ib cov neeg muaj ntau tshaj ib cov, los sis muaj txoj kev siv tsis raws txoj cai.

Cov neeg ua liaj ua teb tseem ceeb thiab cov neeg uas saib xyuas Neeg Qhab cov av yog cov tib neeg uas tau raug kev txwv ntawm txoj kev ua tswv av thiab txoj kev tuav tau av ntev rau kev ua liaj ua teb thiab rau Neeg Qhab siv zoo li yav tag los thiab los ntawm kev khiav hauj lwm.

Cov tswv yim uas pom zoo kom cov nroog los mus ua

Cov nroog yeej muaj ib txoj hauj lwm tseem ceeb hais txog txoj kev mus siv tau av muaj kev ncaj ncees los ntawm txoj kev txuag cov av ua liaj ua teb, txoj kev muab av rov qab rau cov neeg raws li caj ceg thiab txoj kev saib xyuas pog yawg cov av coj los ua ib qhov tseem ceeb, thiab txoj kev tshem cov kev txiav cov neeg ua liaj ua teb hauv nroog loj thiab nroog me. Piv txwv, cov nroog yuav tsum tau siv cov kev cai lij choj thiab lus tswj hwm rau kev cais av uas pub cov neeg saib xyuas Neeg Qhab cov av thiab pub ua tej yam uas yuav tsum tau muaj coj los ua kom muaj kev ua tau liaj tau teb. Cov nroog los yeej txwv tau kom tsis txhob ua vaj ua tsev rau ntawm cov av ua liaj ua teb thiab ua kom cov kev xauj cov av uas yog pej xeem li yeej muaj kev ncaj ncees thiab cov neeg ua liaj ua teb tseem ceeb thiab cov neeg saib xyuas Neeg Qhab cov av yeej yog cov neeg uas yuav mus yuav los sis yuav mus xauj tau.

Hauv qab no yog cov tswv yim pom zoo kom ua uas qhia cov lus tswj hwm thiab cov kev nqes tes ua hauj lwm los mus ua kom muaj kev ncaj ncees nyob hauv them nroog hais txog cov av ua liaj ua teb. Cov tswv yim uas pom zoo kom ua ntawm

no - sau mus rau Tus Tswv Xeev thiab Cov Txwj Laus Sau Kev Cai Lij Choj - yeej yog ib cov tswv yim tsim nyog muab coj los xav thiab ib cov uas cov nroog yuav tsum tau muab xa mus. Yog xav paub tag nrho cov tswv yim, suav nrog rau cov tswv yim uas pom zoo kom ua ua ke thiab muaj kev nkag siab zoo txog qhov hais tias saib yuav ua li cas es thiaj li yuav ua tau kom muaj kev ncaj ncees hais txog av, thov mus nyeem **tsab ntawv nthuav qhia uas muaj tag nrho cov lus**.

1.3.c Hais kom cov chaw khiav hauj lwm rau pej xeem uas tuav av los mus siv cov lus tswj hwm uas tso cai rau cov Pab Pawg Neeg Qhab Ib Txwm Txawm Nyob Hauv California yog thawj cov neeg uas muaj cib fim los mus yuav los sis xauj pej xeem cov av uas yuav pauv tswv kom tsis tau them ib qhov nqi los sis them nqi tsawg tsawg xwb.

1.4.c Hais kom tus Tswv Xeev Lub Chaw Khiav Hauj Lwm Rau Kev Siv Av thiab Kev Siv Tswv Yim Tshiab Hais Txog Huab Cua los mus koom tes nrog cov Pab Pawg Neeg Qhab Ib Txwm Txawm Nyob Hauv California los mus npaj cov kev cai lij choj ua qauv rau kev cais av uas yeej daws tej

cov teeb meem ntawm cov Pab Pawg Neeg Qhab Ib Txwm Txawm Nyob Hauv California uas tsoom fvw yeej tsis lees paub thiab lees paub tib si. Yuav tsum muaj ib cov kev los mus pab cov neeg saib xyuas Neeg Qhab cov av, suav nrog rau cov tsev Neeg Qhab ib txwm nyob.

3.2 Npaj cov kev cai lij choj uas yuav cia cov neeg ua liaj ua teb tseem ceeb thiab cov neeg uas saib xyuas Neeg Qhab cov av muaj cib fim los mus yuav ua ntej.

4.3.a Muab nyiaj pab thiab muaj kev pab rau cov nroog los mus npaj ib cov kev pab cuam coj los daws cov teeb meem ntawm kev npaj cov av ua liaj ua teb uas yuav txuag cov av ua liaj ua teb nyob rau ib sab ntawm ib cov av uas zoo ib yam los sis zoo tshaj li ntawm ib tauj ib.

4.3.b Muab nyiaj pab thiab muaj kev pab rau cov nroog los mus siv ib cov tswv yim tshiab rau kev siv av kom txwv txoj kev ua vaj ua tsev rau ntawm cov av ua liaj ua teb los ntawm txoj kev muaj ciam rau txoj kev ua vaj ua tsev ntxiv nyob hauv cov nroog loj thiab kev txuag cov av ua liaj ua teb.

4.4.c Muab nyiaj rau cov nroog loj thiab nroog me los mus ntiav cov neeg pab uas lawv lub hom phiaj yeej yog los mus koom tes nrog lub nroog cov chaw tuav dej num, cov koom haum hauv lub zej zos, thiab cov neeg ua liaj ua teb tseem ceeb thiab cov neeg saib xyuas Neeg Qhab cov av los taug qab cov av uas yog pej xeem li, los mus tshaj tawm cov av uas muaj kom neeg paub, thiab los mus pab tag nrho cov neeg muaj feem nyob hauv cov ntawv cog lus rau kev xauj av kom muaj kev ncaj ncees thiab muaj kev pab tau zoo.

4.4.d Muaj nyiaj pab thiab muaj kev pab rau cov nroog los mus ua kom cov neeg ua liaj ua teb tseem ceeb thiab cov neeg saib xyuas Neeg Qhab cov av mus siv tau cov av lawv tuav los ntawm txoj kev pub yuav, pub xauj ntev ntev mus.

5.5.a Hais kom tus Tswv Xeev Lub Chaw Khiav Hauj Lwm Saib Xyuas Kev Siv Av thiab Kev Siv Tswv Yim Tshiab Hais Txog Huab Cua los mus npaj ib cov kev cai lij choj ua qauv uas yuav ua kom tuav tau thiab saib xyuas tau cov av ua liaj ua teb ntev, uas yuav ua kom muaj kev ncaj ncees hais txog kev siv, kev ua kom muaj cov kev ua liaj ua teb uas yuav rov qab muaj txhua yam zoo li yav tag los, thiab kev saib xyuas Neeg Qhab cov av ua ke (mus saib ntawm phab ntawv **Appendix D** yog xav paub tag nrho cov lus nyob hauv tsab ntawv nthuav qhia ua cov qauv).

5.5.b Muab nyiaj pab thiab muaj kev pab rau txoj kev kho cov kev cais av thiab cov lus tswj hwm nyob hauv nroog los mus ua kom muaj cov liaj teb uas me, muaj ntau haiv neeg tuav.

6.2.c Muab nyiaj thiab muaj kev pab rau txoj kev muaj kev ua liaj ua teb nyob hauv cov nroog loj hais txog txoj kev yuav mus siv tau cov av uas yog pej xeem li los ntawm cov nroog, zoo li cov chaw mus nyob ua si thiab cov av nyob hauv nroog loj.

6.2.d Hais kom Tus Tswv Xeev Lub Chaw Khiav Hauj Lwm Rau Kev Siv Av thiab Kev Nrhiav Tswv Yim Tshiab Hais Txog Huab Cua los mus muab cov kev cais av uas muaj tam sim no, cov kev yuav siv tau cov av ua liaj ua teb hauv nroog loj, thiab cov kev kho qhov kev npaj los ntawm cov nroog uas tau muab cov kev txiav kom mus ua tsis tau liaj tsis tau teb nyob hauv cov nroog loj tshem tawm zoo li ib feem ntawm tsab ntawv nthuav qhia rau pej xeem uas qhia cov kev uas lub nroog yuav pab tau txoj kev ua liaj ua teb hauv nroog loj.

6.2.e Muab cov kev txiav raws li txoj cai thiab kev cais av tshem tawm los mus muab tej khoom qub coj mus ua chiv ntau txog qhov uas yuav txhawb txoj kev ua liaj ua teb hauv nroog loj.

Muab Cov Lus Uas Siv Nyob Hauv Tsab Ntawv Nthuav Qhia Ntawm No Qhov Twg Los

- 1 California Department of Food and Agriculture. (2020). "2020 Report to the California Legislature on the Farmer Equity Act." Last accessed Feb. 26, 2026 from <https://www.cdfa.ca.gov/farmerresources/pdfs/2020FarmerEquityReport.pdf>
- 2 O'Connor, Teresa. (2024). "What the 2022 Census of Agriculture confirms about California." American Farmland Trust. Last accessed Oct. 2, 2025 from <https://farmland.org/2022-census-of-agriculture-california/>



Neeg yeej mus nrhiav tau tsab ntawv nthuav qhia muaj tag nrho cov lus uas hais ua lus Askiv, cov ntawv nthuav qhia uas muaj cov ntsiab lus hais ua ntau yam lus, thiab cov lus qhia ntxiv hais txog cov txwj laus Task Force nyob saum huab cua (online) nyob ntawm: bit.ly/ALETF-about